

輿地志

邑治

沿革表附

疆域

形勢附

分野

氣候附

山川

塘堰附

塋墓

義塚附

古蹟

物產

風俗

方言附

先王疆理天下建治於邦國都鄙匠人營國邑封人掌封域土辨星野則分之保章氏凡夫峙流之脈絡堤堰之縈紆邱壟之崇封土物之繁殖靡不瞭然在目雖經兵燹滄桑遺蹟要皆可攷惟習俗不無變遷然草偃於風操之有自非可諉之世運已舊治分隸渝瀘自唐大曆十一年始立縣年湮代異興替靡常輿地則亘古不易矣乃為志列子目八首邑治而沿革表附焉次疆域而形勢附焉次分野而氣候附焉次山川而塘堰附焉次塋墓而義塚附焉又次古蹟次物產終以風俗而方言附焉

邑治沿革表附

永川縣禹貢梁州之域周屬巴國秦屬巴郡自漢至

隋巴郡之名三變而為渝州梁武陵王改置楚州西魏曰巴州周閔帝復曰

楚州隋開皇九年改為渝州渝州所轄諸縣皆故江州分置首曰

巴縣漢於北周置江州三年改為巴縣次曰江津縣

西魏分置三曰萬壽縣唐武德三年分置唐至德二年復

割三縣毘連地置璧山縣在東北○又漢武帝分巴

郡置犍為郡江陽縣隸焉今江瀘州晉穆帝時劉裕於

縣置東江陽郡治在今江安郡舊唐志加東字犍領江

永川縣志

卷一

輿地

邑治

二

陽縣隋開皇三年罷郡以縣屬瀘州梁武帝初置瀘州治馬湖江口

隋罷東江陽郡復曰瀘州總管府大業三年改曰瀘川郡唐武德元年復曰瀘州並在江安非今之瀘川

大業元年又改江陽縣為瀘川縣在今南○唐乾元

元年左拾遺李鼎祚奏以山川濶遠請割瀘普渝合

資榮六州界置昌州二年置縣大歷六年州廢縣地各還故屬大

歷十年劍南節度使崔甯又請復置領縣四靜南大

足昌元其一即永川也並據唐志蓋永未置縣以前

乃渝瀘分轄之境故唐割瀘川璧山界別為一邑宋輿

地廣記永川本瀘州瀘川縣地五代及宋並因之元至元

國

朝初

璧並

山治

縣雍

正八

年復

專治

隸重

慶府

永川縣志

卷一

輿地

邑治

四

按唐書地理志永川本渝州璧山縣地自是以後諸

志相沿無敢復議者不知新唐書宋時始撰而元和

郡縣志則成於唐李吉甫吉甫生其時志其地本朝

郡縣勢必查核明確方可成書况乾元二年割六州

界置昌州四縣靜南居三縣中唐末廢寰宇記云大

足割諸普合二州唐志今安岳縣毘連川大足新昌元

割諸資榮二州內二江州所屬並近昌元府志爲榮昌以

榮界也於永介渝瀘之間如地但屬渝州則瀘州所割又

置何縣故宋輿地廣記云本瀘州瀘川縣地亦故渝

州璧山縣地非兩歧其說特紀實耳今邑有大幹猶名瀘龍山此其據也○又按唐大曆六年狂賊張朝焚掠昌州之廢縣地實還故屬而元代復廢據輿地紀勝三縣俱省入合州明統志則云永川至元中併入大足一統志亦襲錄其文未知孰是檢道光間邑乘序曰入合州表曰入大足尤自相矛盾姑存其說備考

疆域 形勢附

攷唐宋方志僅詳州境不及屬縣然永川宋時疆域

西南兩界實廣於唐元和志昌州治靜南太平寰宇記靜南廢縣在永川西北五十

里是宋時永川西界兼及靜南又元和志綾錦山在萬壽縣西元豐九域志永川有綾錦山是宋時永川

南界兼及萬壽明初復置自當仍宋故封但道里之數舊志

所載間有異同今志入到程途大道以塘舖為準其

無塘舖之方則皆訪驗明確非同臆度云

東至界牌舖璧山縣界自底塘起四十里自界至璧

山治八十五里

永川縣志

卷一

輿地

疆域

六

西至石盤舖外榮昌縣界自城東底塘起七十五里

中隔大足郵亭舖自界至榮昌治四十五里

南至古井舖外瀘州界七十里自界至瀘州治一百

一十里又南至馬灘外合江縣界百里自界至合江

治陸路四十里又水程三十里

北至萬壽場外銅梁縣界三十里自界至銅梁治一

百五十五里

東南至雲谷關江津縣界四十五里自界至江津治

七十五里迤南至松溉鎮大江南岸官溪子江津縣

界九十五里

西南至永興場外榮昌縣界九十里自界至榮昌治三十里

西北至太平鎮右僻路大足縣界五十五里自界至大足治八十里

東北至九龍場外璧山縣界九十里自界至璧山治四十里

東西相距一百一十五里南北相距右一百里左一百三十里

永川縣志

卷一

輿地

疆域

七

東至重慶府治一百八十里

府志作一百九十五里

西至四川省會八百一十五里

從府志

北至

京師驛程五千五百七十五里

從府志

舊三鄉一里曰來蘇鄉曰太平鄉曰樂善鄉曰安賢里

今七鄉曰老來蘇曰新來蘇曰老太平曰新太平曰老樂善曰新樂善曰安賢里鄉各四甲

形勢

蜀爲四塞之地劍閣夔門夙稱天險尙已渝州全川
腹壤永據上游桂山枕其後涪溪繞其前峙者流者
碁布綺交府志云扼吭稱雄省志云四達之衢三巴
之勝

按永壤地褊小而毘連七屬古之侯封亦有不是過
者幸隸

國家版圖二百餘年山川形勝尺幅爭妍孟子云滕五
十里猶可爲善國勿謂地類彈丸無所施其經濟也

分野氣候附

周禮保章氏以星土辨九州之地馮相氏掌二十八星之位而分野之說始創夫周天三百六十度應大地全體九萬里鄭康成引十二次之界史記天官書以二十八舍主十二州魏太史陳卓以列宿度數按次分配備載各度所值郡國可謂詳矣然攷其所配方域亦多東西互異南北相反之處於是賈公彥以受封之日歲星所在爲言鄭樵以諸國分星命於主祭爲言僧一行謂星之與土以精氣相屬不繫方隅


紛紛聚訟非附會牽合卽據理空談豈知在天成象在地成形仰觀俯察確有真實對待之應地球在天心雖大小懸殊而南北位正東西運轉圓周相屬上與天度相應彼一方一隅之地卽應一方一隅之天如地下赤道北某度應值天上赤道北某度則某度之經星卽某地之分野所謂真實定數也緣古數書久亡推步測量法鮮精密惟我朝璇璣精審靈臺測驗無累黍差康熙庚寅辛卯間特命臺官分測各省及外藩之北極高度東西偏度量


畫輿圖經緯井然允爲天下萬世測算圭臬今遵
欽定儀象考成諸書以京師爲正北中綫用儀器實測自京
師向南直行至四川省治計虛空鳥道二千三百餘
里復按里差入算省治北極出地三十度四十五分
偏西十二度一十分上應赤經午宮三度井宿水位
三星之次重慶府治北極出地二十九度四十一分
四十秒偏西九度四十八分恰應午宮六度鬼宿一
二星之次永川縣治北極出地二十九度三十分偏
西十度二十七分應午宮五度鬼宿燿三星之次與

省治皆屬井末鬼初宮入鶉火若通志謂四川屬鶉
首之次是舉偏西十五度外至甯遠鹽源等處而統
言之耳而史記天官書以觜參主益州後漢書天文
志又稱秦蜀軫分竊意言軫分者太過言觜參者不
及若明史天文志稱四川布政司所屬惟綿州觜分
合州參分餘皆井鬼分此語尤不可解夫綿合二州
皆在省治東偏而觜參位舍則在井鬼之西豈省治
皆屬井鬼而偏東之綿合反屬井西之觜參是又不
通之論矣則省治之西屬井省治之東屬鬼永川在

井末鬼初之交無疑左太冲蜀都賦曰岷山之精上
 爲井絡河圖括地象曰星應輿鬼故君子精敏小人
 鬼黠合觀天文地理更以人事徵之其相應有不爽
 者况與璇璣所測里差歲差一一符合則永治之分
 野確有定位矣但天道渾穆浩渺難知北魏高允謂
 崔浩曰前論星次驗之不符若不考正今之議古安
 在後之不議今也茲篇所著後能推覈精詳不爽毫
 末尤所欣冀云

渾天列宿宮度全圖






凡天文必分赤道南北兩圖始克見渾天全體若僅具一圖不惟諸恆星不能備列卽列宿中有在赤道

北有在赤道南者亦萬難全見茲圖於北極圈外中界赤道圈外留赤道南地步實按列宿積度多寡量其廣狹略爲界綫分別緯北緯南繪成一圖而於川省應值井鬼之次特標明之且於圓周外加宮度界綫註明十二宮次每宮三十度南方未午已三宮午爲正南未爲西南巳爲東南蜀在京師南面東自夔巫偏西七度西抵諸番偏西至十六度介午未兩宮之間星應井鬼之分其兩宿度內諸經星與永治確切星度則再詳下井鬼專圖其他各宿度內所統諸

星無關邑治者則概闕而不列焉

井鬼兩宿全圖



右圖自井宿水府三星入未宮初度至水位四星燿一星介未末午初鬼宿四星則皆入午宮省治在午宮三度應井宿水位三星之次永治在午宮五度應鬼宿燿三星之次皆際井末鬼初惟府治在午宮六度應鬼宿一二星之次其緯度則皆赤道以北之區也至赤道南緯恆星如弧矢天狼天社天狗諸座雖非蜀地分星然皆統井鬼度內故繪井鬼全圖姑並及之

謹遵考成績編實測得井宿八星鬼宿四星赤道經

緯度

井一星在未宮三度二十二分零四十三秒緯北二十度三十五分二十七秒

井二星在未宮四度五十五分二十秒緯北二十度一十八分一十三秒

井三星在未宮七度一十分十五秒緯北十六度三十一分二十秒

井四星在未宮九度零七分四十三秒緯北一十三度三分五十二秒

井五星在未宮八度三十四分五十六秒緯北二十五度一十六分三十七秒

井六星在未宮十度三十二分四十九秒緯北二十一度五十六分十七秒

井七星在未宮十三度四十二分二十九秒緯北二十度四十七分零二秒

井八星在未宮十七度十六分四十三秒緯北十六度四十八分五十二秒

鬼一星在午宮五度四十二分零五秒緯北十八度

三十六分五十一秒

鬼二星在午宮五度五十六分五十六秒緯北二十度五十七分四十九秒

鬼三星在午宮八度三十四分五十九秒緯北二十二度零一分十九秒

鬼四星在午宮八度五十八分二十九秒緯北一十八度四十三分三十八秒

井宿步天歌

參東向北八星存西北先將井宿論水府四星鄰井

右井東三數是天罇一珠積水北河三五位諸侯又在南南有積薪罇左一鉞星附距一珠含井前水位四居東四瀆居西數亦同位下南河三數具闕邱瀆下兩星冲井南廁左一天狼軍市狼南六數襄市內野雞星一數九星弧矢市南張弧矢迤西兩箇孫子星再右丈人尊屎南左右星皆二一老人星向莫論鬼宿步天歌

水位迤東鬼宿停西南爲距四方形積尸一氣中間聚北視微西四燿星鬼宿之前六外廚廚南天狗七

星圖再南天社星應六天記居東止一珠

井宿經星占驗

井八星赤在河中抵紫微垣內階文昌之間距西扇北
第一星去極六十九度一曰天府一曰東陵一曰天
井一曰天門一曰天渠一曰天候一曰天齊一曰天
池主水泉爲天子之南門日月五星貫之爲中道一
曰主水衡法令之所平也物之平者莫如水故營國
制城畫野分州皆取象焉三光行不由其中天下無
道須經之不得留之留之亦爲災又曰王者用法平

永川縣志

卷一

輿地

分野

十六

井宿明暗小不正則國弱政亂動搖失色則侯戚廢
移徙則國亂君憂洪水爲災

鉞一星赤在司怪北附井口第一星邊去極六十九度
少入參宿八度半主伺淫奢而行斬斷不欲大明明
則兵起斧鉞用事動搖則天子用鉞於大臣芒角則
大臣多死於法者

南北河各三星赤南河在井南距東大星去極八十三
度半入井宿二十一度北河在井北距東大星去極
六十一度半入井二十度分夾東井爲南北界南曰

南戍曰越門北曰北戍曰湖門兩河之門三光之常道也過之則吉留久則殃咎生一曰南戍以限蠻邦北戍以限戎狄南星不具則南道不通北星不具則北道不通

五諸侯五星赤在井北距西星去極五十六度半入井七度半張平子云五諸侯主斷疑慮舉戒不虞理陰陽察得失皆主天子之謀議其星均明潤澤則天下治疑議決輔臣忠差戾不明忠臣曲折上下猜忌春秋元命苞曰五諸侯生角禍從中起

永川縣志

卷一

輿地

占驗

十七

積水一星黑在北河西北去極五十四度半入井宿十八度一曰聚水主積水以給天子之酒官也又曰主候水災明大動搖江河泛溢津梁不通

積薪一星黑在積水東南去極五十四度半入井宿二十七度主聚薪以給享祀所以供庖廚也明則五穀熟享祀隆

天罇三星黑在東井北距西星去極六十八度入井宿十六度主汲水以給酒食之用明正則吉暗則旱渴水位四星赤在井東距西星去極七十三度半入井宿

十七度主水衡石氏曰衡平象水水平而後流其星
微小如常則天下安否則大水橫五穀傷上近北河
則國沒爲河

水府四星赤在井西南鉞星下距西星去極七十六度
半入井宿七度半水官也占同水位

四瀆四星黑在井南距西南星去極八十六度少入井
宿二度江淮河漢之精也其星明大動搖則水泛溢
闕邱二星黑在南河東距大星去極九十一度少入井
十四度主布象魏列尊卑天子之雙闕也 竊意闕

邱二星在井下乃邱隴行水闕處卽河渠溝澮之意
與象魏雙闕何涉然諸家皆作魏闕之解至有謂金
火守之兵戰闕下者嗟嗟天不言誰得而諍之惟在
明理者見闕邱之下有狼星狗星豈魏闕銅駝必在
荆棘中耶

天狗七星黑在闕邱南狼星東北距西星去極一百二
度入井宿二十二度狩獵之犬也移徙則盜賊橫行
豺狼當道

狼一星赤在井東南去極一百七度半入井宿十度爲

野將主殺掠主兵火其色欲黃白無光不宜動搖天下乃安色赤張芒動搖則天下亂兵大起盜賊橫行弧矢九星赤在狼東南距西南星去極一百十四度入井宿十五度天弓也一星矢也主備盜賊故常注矢以向狼若弧不張矢不直則盜賊橫行星明黃而小天下息兵變色矢常明大則天下多盜矢不射狼則盜賊不禁

軍市十三星黑在參井之南狼星西距西北星去極一百十七度半入井宿初度天軍貿易之市也市中小

星聚多則軍食足少則乏糧

野雞一星黑在軍市中去極一百十九度半主知變怪又曰野雞將也主屯營軍法之號令

丈人二星黑在厠東南距西星去極一百二十八度入參宿四度國之老人主壽考子孫二星皆侍丈人之側不見爲災

子二星黑在軍市西南丈人東距西星去極一百二十八度入參宿九度不見則天下多不孝之子

孫二星黑在子東距西星去極一百二十五度入井宿

六度所以扶持丈人者也不見爲災

老人一星赤在孫星南弧星西去極一百四十三度入井宿三度亦曰南極主壽考常於秋分之曙見於丙春分之夕見於丁見則人主壽昌天下安甯 按秋分之曙見丙春分之夕見丁乃是周秦之象今以歲差法詳之當云立秋之曙見於丙立春之夕見於丁鬼宿經星占驗

鬼四星赤在井東上抵軒轅之尾上台星下距西南星去極六十九度半主視明察奸謀天目也爲日月五

星之中道又爲朱雀頭眼亦爲天鐵鑕主誅殺其四星一曰天廟一曰天松一曰天匱一曰天壙主祠祀又主疾病死喪又東北星主積馬東南星主積兵西南星主積布帛西北星主積金玉

積尸氣在鬼中央白如粉絮似雲非雲似星非星見氣而已一名鬼質欲其忽忽不明明則兵起大臣謀主下民流亡變色及動搖則疾病眾勞而鬼哭人號燿四星黑在鬼上軒轅尾西距西北星去極六十度半入井宿二十九度主烽火備警急小而不明則天下

安明而大則邊陲告急動搖芒角則外兵大入
外廚六星黑在鬼南距大星去極九十二度半入鬼宿
二度祭祀之廚也占同天廚

天社六星黑在弧東南距西南星去極一百三十四度
入井宿二十三度社神也星明則社稷安動搖則臣
謀上

天記一星黑在外廚東南去極一百一度入柳宿三度
主禽獸之屬金火守則禽獸多死

氣候

永川縣志

卷一

輿地

占驗

二十一

歷法五日一候三候一氣月統二氣六候歲統二十
四氣七十二候夫太陽行一周天謂之一歲太陰行
一周天與日相會謂之一月計渾天之度三百六十
乃一歲之常數因太陽行黃道節氣一周實有三百
六十五日三時較常數多五日三時則爲氣盈而每
積二十九日零五十一刻有奇適值月與日會是爲
合朔十二合朔共爲一歲之終其數得三百五十四
日四時四刻較常數又少五日七時四刻是不足者
爲朔虛以朔虛較常數則常數爲多以常數較節氣

則節氣又爲多二共合計多十日十時四刻爲餘日
歸之於終積成一月則置閏大約三十二月而有一
閏五歲再閏十九歲共七閏其閏之月太陽不及交
宮必無中氣也如無氣盈則常數不合如無朔虛則
晦朔不明如無置閏則夏月爲春節冬月成秋候而
氣候乖矣氣候乖則天時不得其正地氣不得其宜
人事亦不得其平所關正非淺鮮也永邑地處川東
以天時論則萬物之消長皆視節氣爲早遲省屬一
區耳何殊彼此以地氣論則處東南者多煖西北者

多寒寒氣所侵物必遲見煖氣所及物必先成其大
較也如永地初春桃李華仲春播穀種季春播黍稷
植諸瓜初夏刈麥插秧仲夏桃李熟刈葛槐采蒲艾
季夏初秋漸次收稻百穀告成皆較邑東江巴等縣
稍遲較邑西近省州縣稍早至成華內地甚有遲至
八月杪穀猶未登者凡以愈處西北則愈寒愈遲愈
處東南則愈煖愈早故也然亦有不盡然者如蠶豆
俗呼葫豆大白豆俗呼碗屬永地必秋末下種明春二三月
食豆而省垣則秋末冬初卽有新豆入市與夫韭黃

芹香等類其較永地先見者不一而足細詢其故則
云人功使然是地氣又不足限矣總之調元氣理陰
陽授時成歲順天時也責在宰輔別寒煖辨燥濕因
地制宜審地氣也責在官司勤栽培滋灌溉勗勤警
惰盡人事也責在人民是在膺其任者之各盡其道
耳